

Innspel frå Austrheim ungdomsråd til budsjett 2022 Austrheim kommune.

Områder det bør settes av pengar til i budsjettet

Austrheim ungdomsråd ser at barn og unge treng fleire **aktivitetar etter skuletid**. Det er for mange barn og unge som heng på senteret. Dei frå 5-7. klasse er begynt å henge på senteret og det er ikkje bra. Det er for tidleg å begynne med slikt i den alderen. Det bør vurderast å starta ein jr. klubb for denne aldersgruppa. Dette har dei i andre kommunar. Dette vil være god førebygging.

Ungdommane ønskjer å ha **plassar ute som dei kan henge i/ved**. Gapahukar eller paviljongar som dei kan sitte under. I dag heng ein del på senteret, men gjer ein det så vert ein kalla «senterlaskar» og mange ungdommar vil ikkje verta kalla dette, og dermed heng dei i barnehagen. For å unngå at ungdommen heng i barnehagen så skulle det vore bygga noko oppe ved hallen / skulen og spesielt ved Kaland skule trengjer dei ute plassar.

Det ungdommane aller mest ønskjer seg er ein **Kafé på senteret** kor dei kan henge. Dei ser at det sitter ein gjeng pensjonistar på senteret om morgonen, dei kunne bruke den om morgonen og ungdommane på ettermiddag, og så kunne foreldre "overta" den om kvelden. Det behøver ikkje være ein fancy kafé, kanskje drevet av frivillige og av ungdommar. Berre ein plass å kunne møtast.

For ungdommane spør seg kor skal dei være når Ungdomsklubben ikkje er open?

Ungdommane ønskjer også fleire aktivitetar som dans og handball etter skulen eller på ettermiddag.

Fortau frå senteret gjennom Budalen. Helst sykkelsti, men viktigaste er å få fortau.

Rullestol vennlege bygg og leikeplassar. På Årås skule er det ei jente i rullestol og ho får ikkje vært med på lek for leikeplassen er ikkje tilgjengeleg for henne. Det er laga ei rampe for henne inn til nokon av apparata, men den er alltid full av stein (som vaktmeisteren burde koste vekk) så ho klarer ikkje bruke den.

Kulturskulen er eit veldig dårleg bygg for dei i rullestol. Dei i rullestol ønskjer som regel og vera sjølvstendig, men det er umogleg i kulturskulen. Det er for trangt til å kunne flytte seg rundt.

Lys i ballbingane og nye nett i fotballmåla. Ungdommane ønsker lys i ballbingane både på Årås og Kaland, da kan de bruke de på vinteren og. Nye nett i fotballmåla hadde vore fint og.

Psykisk helse

Helsesøster er for lite på skulane. Spesielt nå i og etter det vi har gjennomgått med pandemien. Helsesøster seier og at hun skal henvise ungdommane til psykologen, men dei fleste får svar at ho har ikkje meir ledig tid. Dermed blir ikkje problema til ungdommen løyst. Ungdommane trengjer meir hjelp.

Ungdomsrådet ønskjer at det blir satt av pengar til psykisk helsedag for 8-10. klasse. Vi foreslår en sum på kr 30 000,-. Det vil si ca. 254 kr pr elev. Dette inkluderer lunsj, aktivitet og foredragshaldar.

Diverse annet som bør komme inn på budsjettet:

HavGlede 20 000,- for å kunne sikre stabilitet i arrangementet. Det vil si ca. 10 kr pr. person som deltar på dei 11. dagane med HavGlede i juli og august.

Karneval for de minste 10 000,- for å kunne ha ulike aktivitet og stabilitet i arrangementet. Dette utgjør ca. 28 kr pr. person som deltar.

Dugnadspengar som lag og organisasjonar kan søke på bør komme inn igjen på budsjettet.

Det bør planleggast for at **Kulturdagane** kommer inn igjen på budsjettet. Dette er en del av identiteten til Austrheimingane.

Leiar Austrheim ungdomsråd.

Evelyn Risnes Bjørnbekk